

道餘風韻

和南 永瀧堯俊

昭和十四年御會式詣身延山

嶺氣清澄冷又冷菩提梯磴仰神靈九年靈蹟草庵躡  
山色溪聲即是經。

芳野山吟行

緩々吟行四月天、煙霞有癖樂林泉  
浪花城外脫塵氣、欲向芳山聽杜鵑。  
脫帽先登第一樓、芳山勝景入双眸  
欲尋遺蹟知何處、古塔高抽新綠浮。  
忍說先皇遷幸場、三朝興廢跡茫茫  
雲籠考樹暗天日、空拜荒陵幾斷腸。  
嵐氣飛來冷夕陽、三人環酌較吟囊  
芳雲館上歡無盡、綠影汎盃々亦香。

誰言絕勝屬花期、何歎吾曹相訪遲  
壁上將題紀行句、幽間却在綠陰時。

雲仙遊草

山逕尋秋舉白雲、霜餘楓錦淡濃分  
始知絕景普賢岳、晝裏停筇立夕曛。  
青女飛霜西又東、楓人晒錦夕陽紅  
白雲影映溪流淡、身在樊川詩句中。  
雲仙秋老錦楓丹、此境倪黃着筆難  
一浴溫泉洗心垢、也爲塵外樂園看。  
靈泉溫浴好、隔斷世間紛  
自得身心淨、悠然臥白雲。  
歸杖徐踵夕照來、楓林一塢小詩催  
再遊此境果何日、鷓鴣屏顏知幾回。